

**Էլեկտրական էներգիայի մատակարարման
(Մատակարար-մինչև 6(10) կՎ լարման ցանցերից սնվող Սպառող
(բացառությամբ բնակչության))**

Պ Ա Յ Մ Ա Ն Ա Գ Ի Ր N ԿՊ0061

« 23 » *Տեպրեմբեր* 2016 թ.

ք.Երևան
(կենտրոնական վայրը)

Մատակարարը՝ «Հայաստանի էլեկտրական ցանցեր» ՓԲԸ
(ընկերության անվանումը)

ի դեմս՝ գլխավոր տնօրեն Կ.Հարությունյանի
(անունը, ազգանունը, պաշտոնը)

որը գործում է ընկերության կանոնադրության և ՀՀ օրենսդրության հիման վրա,
(գործունեությունը կարգավորող փաստաթղթի անվանումը)

մի կողմից, և Սպառողը՝ ՀՀ ԿԱ Պետական եկամուտների կոմիտե
(ընկերության անվանումը)

ի դեմս՝ աշխատակազմի ղեկավար Գ. Պետրոսյանի
(անունը, ազգանունը, պաշտոնը)

որը գործում է ՀՀ օրենսդրության հիման վրա,
(գործունեությունը կարգավորող փաստաթղթի անվանումը)

մյուս կողմից, համատեղ կոչվելով Կողմեր, կնքեցին սույն պայմանագիրը հետևյալի մասին.

1. Պայմանագրի առարկան

1.1. Սույն պայմանագրի համաձայն Մատակարարը պարտավորվում է Սպառողին մատակարարել էլեկտրական էներգիա, իսկ Սպառողը պարտավորվում է վճարել մատակարարված էլեկտրական էներգիայի դիմաց:

2. Կողմերի պարտականությունները

2.1. Կողմերը պարտավոր են ղեկավարվել «Էներգետիկայի մասին» Հայաստանի Հանրապետության օրենքով, այլ օրենքներով և իրավական ակտերով, Հայաստանի Հանրապետության հանրային ծառայությունները կարգավորող հանձնաժողովի (այսուհետ՝ Հանձնաժողով) 2006 թվականի դեկտեմբերի 27-ի «Էլեկտրական էներգիայի մատակարարման և օգտագործման կանոնները հաստատելու մասին» N358Ն որոշմամբ հաստատված «Էլեկտրական էներգիայի մատակարարման և օգտագործման կանոններով» (այսուհետ՝ ԷՄՕԿ) և սույն պայմանագրով:

2.2. Մատակարարը պարտավոր է.

- 1) մատակարարել Հայաստանի Հանրապետության կառավարության 2004 թվականի դեկտեմբերի 23-ի N1925Ն որոշմամբ հաստատված էլեկտրամագնիսական համատեղելիության վերաբերյալ տեխնիկական կանոնակարգով սահմանված որակի էլեկտրական էներգիա.
- 2) ապահովել էլեկտրաէներգիայի մատակարարումը Սպառողին՝ սույն պայմանագրին կցված էլեկտրամատակարարման սխեմայով նախատեսված հուսալիությամբ.
- 3) մինչև յուրաքանչյուր ամսվա 10-ը Հայաստանի Հանրապետությունում գործող բանկերի, փոստային բաժանմունքների համապատասխան սպասարկման կետերում տեղադրել տեղեկատվություն՝ նախորդ ամսվա ընթացքում Սպառողի կողմից ստացված էլեկտրաէներգիայի քանակի և արժեքի մասին, եթե տեղեկացման այլ կարգ նախատեսված չէ սույն պայմանագրի 8-րդ գլխով.
- 4) Սպառողի դիմելու դեպքում 080000180 հեռախոսահամարով տրամադրել շուրջօրյա տեղեկատվություն կամ պարզաբանում վերջինիս դիմում-բողոքների և հարցադրումների՝ ներառյալ էլեկտրամատակարարման ընդհատումների, դադարեցումների պատճառների և վերականգնման ժամկետների, սպառած էլեկտրաէներգիայի քանակի և արժեքի, վճարման ժամկետների, Մատակարարի և Սպառողի իրավունքների ու պարտականությունների և այլնի վերաբերյալ.
- 5) ԷՄՕԿ-ի 75-րդ կետով սահմանված ժամկետում պատասխանել Սպառողի բանավոր դիմումին բանավոր, գրավոր դիմումին՝ գրավոր, իսկ էլեկտրոնային փոստով ստացված դիմումին՝ էլեկտրոնային փոստի միջոցով, եթե առանձին դեպքերի համար ԷՄՕԿ-ով այլ ժամկետ սահմանված չէ.
- 6) վճարման փաստաթղթում կամ հաշվում գրառումների սխալ հայտնաբերելու կամ Սպառողից այդ մասին դիմում ստանալու դեպքում ԷՄՕԿ-ի 53-րդ կետով սահմանված ժամկետում ստուգել իր գրառումները և

- արդյունքների մասին գրավոր տեղեկացնել Սպառողին, սխալի առկայության(հաստատման) դեպքում ուղղումը հաշվի առնել ընթացիկ ամսվա համար ներկայացվելիք վճարման փաստաթղթում:
- 7) Սպառողի պահանջով ԷՄՕԼ-ի 62-րդ կետով սահմանված ժամկետում ստուգել Սպառողի առևտրային հաշվառքի սարքի աշխատանքի ճշտությունը և նրան ներկայացնել դրա աշխատանքի ճշտության մասին գրավոր ներկայացում:
 - 8) իր միջոցների հաշվին կատարել առևտրային հաշվառքի սարքերի աշխատանքի ճշտության ստուգման հետ կապված բոլոր ծախսերը, բացառությամբ ԷՄՕԼ-ի 64-րդ կետով նախատեսված դեպքի:
 - 9) ԷՄՕԼ-ով սահմանված դեպքերում և կարգով փոխարինել Սպառողի առևտրային հաշվառքի սարքերը և փոխարինումից հետո համապատասխան փոփոխություն կատարել սույն պայմանագրում (հավելված №1):
- 2.3 Սպառողը պարտավոր է վճարել յուրաքանչյուր ամսվա ընթացքում իր սպառած էլեկտրական էներգիայի դիմաց՝ սույն պայմանագրով սահմանված կարգով:

3. Սպառված էլեկտրաէներգիայի քանակության և արժեքի հաշվարկը, դրա վճարման կարգը

- 3.1. Մատակարարվող էլեկտրական էներգիայի սակագինը սահմանում է Հանձնաժողովը:
- 3.2. Հանձնաժողովի կողմից էլեկտրական էներգիայի սակագնի փոփոխման դեպքում սահմանված նոր սակագինը ուժի մեջ է մտնում Հանձնաժողովի սահմանած ժամկետից:
- 3.3. Սպառված էլեկտրաէներգիայի քանակությունը, բացառությամբ սույն պայմանագրի 3.4 և 3.5 կետերով նախատեսված դեպքերի, որոշվում է Սպառողի առևտրային հաշվիչի՝ տվյալ հաշվարկային ամսվա և տվյալ հաշվարկային ամսվան նախորդող ամսվա գրանցած ցուցմունքների տարբերությամբ, իսկ չափիչ տրանսֆորմատորների առկայության դեպքում՝ այդ տարբերությունը բազմապատկելով նաև դրանց տրանսֆորմացիայի գործակցով:
- 3.4. Եթե առևտրային հաշվիչն ամիջապես գրանցում է հաշվարկային ժամանակահատվածում ծախսված էլեկտրաէներգիայի քանակը, ապա որպես հաշվարկային ամսվա ընթացքում սպառված՝ ընդունվում է էլեկտրաէներգիայի այդ քանակը:
- 3.5. Եթե առևտրային հաշվառքի սարքը տեղադրված է սահմանագատման կետից (հավելված №2) դուրս, ապա առևտրային հաշվառքի սարքով հաշվառված էլեկտրաէներգիայի քանակին գումարվում կամ այդ քանակից հանվում է առևտրային հաշվառքի սարքի տեղադրման և սահմանագատման կետերի միջև էլեկտրատեղակայանքներում առաջացած էլեկտրաէներգիայի տեխնոլոգիական կորուստների մեծությունը:
- 3.6. Առևտրային հաշվառքի սարքի խախտման (էլեկտրաէներգիայի քանակության սխալ գրանցում) դեպքում սպառված էլեկտրաէներգիայի քանակությունը որոշվում է հաշվարկային եղանակով՝ համաձայն ԷՄՕԼ-ի 12-րդ գլխի պահանջների:
- 3.7. Առևտրային հաշվիչի ցուցմունքը գրանցում է Մատակարարը՝ տվյալ հաշվարկային ամսվա վերջին և հաջորդ ամսվա առաջին նրկու աշխատանքային օրվա ընթացքում: Եթե սույն պայմանագրի 8-րդ գլխով նախատեսված է Սպառողի ներկայությամբ առևտրային հաշվիչի ցուցմունքը գրանցելու Մատակարարի պարտավորություն, ապա վերջինս պարտավոր է Սպառողի առևտրային հաշվիչի ցուցմունքը գրանցել նրա ներկայությամբ նախապես՝ առնվազն 3 օր առաջ գրավոր տեղեկացնելով առևտրային հաշվիչի ցուցմունքի գրանցման օրվա և ժամի մասին: Սպառողի չներկայանալու դեպքում Մատակարարն իրավունք ունի առևտրային հաշվիչի ցուցմունքը գրանցել առանց Սպառողի:
- 3.8. Հաշվարկային ամսվա ընթացքում Սպառողի կողմից սպառված էլեկտրաէներգիայի արժեքը որոշվում է Հանձնաժողովի կողմից սահմանված սակագների (հավելված №3) և սպառված էլեկտրաէներգիայի քանակության արտադրյալով:
- 3.9. Սպառողը նախորդ ամսվա ընթացքում սպառված էլեկտրական էներգիայի արժեքը պարտավոր է վճարել իր կողմից սպառված էլեկտրական էներգիայի քանակի և արժեքի մասին համապատասխան տեղեկատվությունը սույն պայմանագրի 2.2 կետի 3-րդ ենթակետով նախատեսված սպասարկման կետերում տեղադրվելուց, իսկ սույն պայմանագրի 8-րդ գլխով տեղեկացման այլ կարգ նախատեսված լինելու դեպքում, այդ կարգով տեղեկացվելուց հետո 7 օրվա ընթացքում:

4. Սպառողի էլեկտրամատակարարման ընդհատման, սահմանափակման, դադարեցման և վերականգնման պայմանները

- 4.1. Մատակարարի կողմից պլանային-նախագրուշական աշխատանքներ կատարելու նպատակով Սպառողի հուանքագրվումը (պլանային ընդհատում) թույլատրվում է ԷՄՕԼ-ի 27-րդ կետով սահմանված դեպքում և կարգով:
- 4.2. Մատակարարը Սպառողի էլեկտրամատակարարման պլանային ընդհատումը պետք է իրականացնի աշխատանքային օրերին՝ ԷՄՕԼ-ի 27-րդ կետով սահմանված ժամերին:
- 4.3. Սպառողի էլեկտրամատակարարման սահմանափակումները և վերականգնումն իրականացվում են սույն պայմանագրի 7.4 կետով նշված կարգի պահանջների համաձայն կազմված ծրագրերով:
- 4.4. Մատակարարը պարտավոր է դադարեցնել Սպառողի էլեկտրամատակարարումը՝
 - 1) Սպառողի գրավոր պահանջով և առաջարկված ժամկետում:
 - 2) մարդկանց կյանքի և առողջության անվտանգությունն ապահովելու համար՝ Հայաստանի Հանրապետության տեխնիկական կանոնակարգերով սահմանված դեպքերում:
 - 3) Հայաստանի Հանրապետության օրենքներով նախատեսված դեպքերում:
- 4.5. Մատակարարն իրավունք ունի դադարեցնել Սպառողի, (բացառությամբ վթարային կամ տեխնոլոգիական հզորություն ունեցող Սպառողի) էլեկտրամատակարարումը՝
 - 1) սպառված էլեկտրաէներգիայի դիմաց սույն պայմանագրի 3.9 կետով սահմանված ժամկետում վճարում չկատարելու դեպքում՝ առնվազն 3 օր առաջ գրավոր կամ Սպառողին հասու այլ ձևերով գաղտնիացնելուց հետո:
 - 2) պարտքի մարման ժամանակացույցի խախտման դեպքում՝ ապահովելով սույն կետի 1-ին ենթակետով սահմանված ընթացակարգը:

- 3) եթե Սպառողը էլեկտրաէներգիան սպառել է առևտրային հաշվառքի սարքի միտումնափոք խախտումով կամ առանց առևտրային հաշվառքի սարքի, կամ առևտրային հաշվառքի սարքի շրջանցումով:
 - 4) առևտրային հաշվառքի վերականգնման կամ առևտրային հաշվառքի սարքի փոխարինման նպատակով՝ մինչև 3 ժամ:
- 4.6. Վթարային կամ տեխնոլոգիական հոգրություն ունեցող Սպառողի էլեկտրամատակարարումը դադարեցվում է ԷՄՕԿ-ով սահմանված դեպքերում և կարգով:
 - 4.7. Պարտքի առկայության դեպքում Մատակարարը կարող է չդադարեցնել Սպառողի էլեկտրամատակարարումը, եթե Սպառողը ներկայացրել է Մատակարարի համար ընդունելի վճարման նրաշխիքներ կամ նրա հետ կազմվել է պարտքի մարման ժամանակացույց:
 - 4.8. Մատակարարը Սպառողի էլեկտրամատակարարման չալանավորված (արտապլանային) ընդհատումը պարտավոր է վերականգնել ԷՄՕԿ-ի 28-րդ կետով սահմանված ժամկետներում, իսկ եթե Սպառողի էլեկտրամատակարարման սխեման ապահովում է էլեկտրամատակարարման վերականգնման ավելի կարճ ժամանակահատված, ապա՝ այդ ժամանակահատվածում, որը կողմերը պարտավոր են սահմանել սույն պայմանագրի 8-րդ գլխով:
 - 4.9. Եթե էլեկտրամատակարարման ընդհատումը տևի է ունեցել առևտրային հաշվիչից անմիջապես հետո տեղադրված ավտոմատի անջատման արդյունքում, ապա Մատակարարը Սպառողի էլեկտրամատակարարումը պարտավոր է վերականգնել ԷՄՕԿ-ի 29-րդ կետով սահմանված ժամկետներում:
 - 4.10. Սպառված էլեկտրաէներգիայի դիմաց վճարման համար հատկացված ժամկետի խախտման դեպքում Սպառողի էլեկտրամատակարարումը դադարեցնելուց հետո Մատակարարը սպասարկման օրերին (տարվա բոլոր օրերը, բացառությամբ կիրակի օրերի, ժամը 09:00-ից մինչև 17:00-ը) պարտավոր է այն վերականգնել ԷՄՕԿ-ի 52-րդ կետով սահմանված կարգով:

5. Կողմերի պատասխանատվությունը

- 5.1. Սույն պայմանագրով սահմանված պարտավորությունները չկատարելու կամ ոչ պատշաճ կատարելու դեպքում կողմերը պատասխանատվություն են կրում Հայաստանի Հանրապետության օրենքներով և ԷՄՕԿ-ով սահմանված կարգով:

6. Ֆորս մաժորային իրավիճակներ

- 6.1. Կողմերը սույն պայմանագրով սահմանված պարտականությունների չկատարման կամ ոչ պատշաճ կատարման համար պատասխանատվություն չեն կրում, եթե դա հետևանք է արտակարգ և անկանխելի դեպքերի և հանգամանքների, որոնք ստեղծվել են կողմերի կամքից անկախ, ներառյալ (սակայն չսահմանափակվելով դրանցով) բնական աղետները, բնության ուժերի արտասովոր դրսևորումները (ինչպես օրինակ, ջրհեղեղները, նրկաշարժերը, փոթորիկները, պտտահողմերը), որոնք խոչընդոտում են կողմերի գործունեությունը կամ հանգեցնում են նրանց ստանձնած պարտավորության կատարման ձգձգման կամ դադարեցման՝ անկախ նրանց կողմից գործադրված ջանքերի՝ խուսափելու, թուլացնելու կամ վերացնելու այդ ուժերի ազդեցությունը:

7. Լրացուցիչ պայմաններ

- 7.1. Մատակարարն իրավունք ունի Սպառողի կողմից վճարման համար սույն պայմանագրով սահմանված ժամկետի խախտման դեպքում խախտմանը հաջորդող օրացուցային տարում 3 անգամ այն կրկնելու դեպքում ԷՄՕԿ-ի 50-րդ կետով սահմանված կարգով Սպառողից պահանջել կանխավճար կամ իր համար ընդունելի վճարման այլ նրաշխիքներ, որը ներկայացնելուց Սպառողի հրաժարվելու դեպքում Մատակարարն իրավունք ունի նաև Սպառողին (բացառությամբ վթարային կամ տեխնոլոգիական հոգրություն ունեցող Սպառողի) առնվազն 3 սպասարկման օր առաջ գրավոր կամ հեռախոսագրով զգուշացնելուց հետո դադարեցնել նրա էլեկտրամատակարարումը:
- 7.2. Սպառողն իրավունք ունի կնքել իր առևտրային հաշվառքի սարքը, մասնակցել դրա աշխատանքի ճշտության ստուգման հետ կապված բոլոր աշխատանքներին, այդ թվում նաև՝ ստուգաչափմանը, ԷՄՕԿ-ի 65-րդ կետով սահմանված կարգով առևտրային հաշվառքի սարքի ճշտության ստուգումը պատվիրել նման իրավասություն ունեցող այլ կազմակերպությունների:
- 7.3. Սպառողի կողմից առևտրային հաշվառքի սարքը կնքելու դեպքում, այդ մասին սույն պայմանագրի №1 հավելվածում կատարվում է համապատասխան գրառում:
- 7.4. Հայաստանի Հանրապետության տեխնիկական կանոնակարգերով նախատեսված դեպքերում կողմերը պարտավոր են սույն պայմանագրին կցել անբաժանելի մաս հանդիսացող տեխնոլոգիական և (կամ) վթարային հոգրությունների ավերակներում վերաբերյալ ակտ, ուր կազմվում է Հայաստանի Հանրապետության էներգետիկայի կարգավորող հանձնաժողովի 2003 թվականի փետրվարի 21-ի №9Ն որոշմամբ հաստատված էլեկտրամատակարարման անխուսափելի սահմանափակումներ պահանջող իրավիճակներում էներգետիկայի բնագավառի լիցենզավորված անձանց կողմից իրականացվելիք գործողությունների ծրագրերի մշակման կարգի համաձայն:
- 7.5. Մատակարարը կամ Սպառողը կարող են սահմանազատման կետերում տեղադրել էլեկտրական էներգիայի որակի ցուցանիշները գրանցող և հիշող սարքեր:
- 7.6. Սույն պայմանագրի 7.5 կետով նախատեսված էլեկտրական էներգիայի որակի ցուցանիշները գրանցող և հիշող սարքեր տեղադրելու դեպքում, կողմերը այդ մասին կազմում են նրկկողմանի ակտ, որը կցվում է սույն պայմանագրին:

8. Այլ պայմաններ (լրացնում են կողմերը)

- 8.1 Սպառողի ստորաբաժանումների անվանումը ու կողը և նրանց համապատասխան սպասարկող Մատակարար մասնաճյուղերի (էլ. ցանցերի) ցուցակը նշված են սույն պայմանագրի Հավելված N4-ում:
- 8.2 Սույն պայմանագրով մատակարարը պարտավորվում է էլ. էներգիա մատակարարել սպառողին սույն պայմանագրին կից հավելված 4-ում ներկայացված ցանկում ընդգրկված նրա ստորաբաժանումներին, որում կարող են փոփոխություններ կատարվել սպառողի գրությունների հիման վրա:
- 8.3 Մատակարարը սույն պայմանագրից բխող իր պարտականությունները իրականացնում է իր կառուցվածքային

ստորաբաժանումների համապատասխան մասնաճյուղերի միջոցով:

- 8.4 Մատակարարը ներկայացնում է Սպառողին հաշվետու ամսվա էլ.էներգիայի ծախսերի, վճարումների և մնացորդների վերաբերյալ սույն պայմանագրի հավելված 5-ով սահմանված ձևին համապատասխան ամփոփ ակտը իրեն կողմից միակողմանի հաստատված (երկու օրինակից), ինչպես նաև ՀՀ Ֆինանսների նախարարի 2013թ. օգոստոսի 6-ի թիվ 673-Ն հրամանով հաստատված օրինակների ձևին համապատասխան կազմված և իր կողմից միակողմանի հաստատված (երկու օրինակից), հանձնման-ընդունման արձանագրություն և միաժամանակ ներկայացնում է էլեկտրոնային հարկային հաշիվ (ամփոփ): Ընդ որում Մատակարարը սույն կետով սահմանված փաստաթղթերը առաքում է փոստով Սպառողին այդ փաստաթղթերը դուրս գրելուց (ստորագրելուց) հաջորդ աշխատանքային օրը, սակայն ոչ ուշ, քան հաշվարկային ամսվան հաջորդող ամսվա 11-ը: Սույն կետում նշված փաստաթղթերը Մատակարարը Սպառողին ներկայացնում է նաև էլեկտրոնային նդանակով՝ Սպառողի՝ _____ էլեկտրոնային փոստի հասցեով՝ այդ փաստաթղթերի ստորագրման (դուրս գրման) օրվան հաջորդող աշխատանքային օրվա ընթացքում:
- 8.5 Սպառողը ստուգում է ամփոփ ակտի ինֆորմացիայի ճշտությունը, և, դիտողությունների բացակայության դեպքում, ստորագրում է այն ստացման պահից 5 աշխատանքային օրվա ընթացքում և մեկ օրինակը վերադարձնում է Մատակարարին ստորագրվելուց հետո 2 օրվա ընթացքում: Երկկողմ ստորագրված ամփոփ ակտը Սպառողը Մատակարարին ներկայացնում է նաև էլեկտրոնային նդանակով՝ Մատակարարի՝ office@ena.am էլեկտրոնային փոստի հասցեով՝ ստորագրման (դուրս գրման) օրվան հաջորդող աշխատանքային օրվա ընթացքում:
- 8.6 Սպառողը մատակարարված էլ.էներգիայի դիմաց պարտավորվում է մատակարարին կենտրոնացված կարգով վճարել սույն պայմանագրի 8.4 կետով նախատեսված՝ միակողմանի հաստատված փաստաթղթերը էլեկտրոնային եղանակով ստանալուց հետո 7 օրվա ընթացքում և տալ համապատասխան բաշխում ըստ իր ստորաբաժանումների:
- 8.7 Մատակարարը սպառողի կողմից վճարման համար սահմանված ժամկետի խախտման դեպքում կայող է (իրավունք ունի) պահանջել վճարելու տույժ , օրական չվճարված գումարի 0,1%-ի չափով, բայց ոչ ավելի քան պարտքի ընդհանուր գումարի 10%-ը:
- 8.8 Կողմերը պայմանավորվում են, որ փոխադարձ հաշվարկի ստուգման ակտերը շարունակվելու են կնքվել կողմերի ստորաբաժանումների կողմից:
- 8.9 Սպառողը պարտավորվում է ազատել սույն պայմանագրի հավելված 4-ում նշված ստորաբաժանումների կողմից փոխադարձ հաշվարկի ստուգման ակտերի հաստատումը և կեսը վերադարձնումը Մատակարարի կառուցվածքային ստորաբաժանումների (մասնաճյուղերի) ներկայացուցիչներին, այն Մատակարարի ստորաբաժանումներից ստանալուց երկու աշխատանքային օրվա ընթացքում:
- 8.10 Կողմերը պայմանավորվում են, որ իրենց ստորաբաժանումների միջև նախկինում կնքված (հաստատված) N1, N2, N3 հավելվածները մնում են ուժի մեջ:
- 8.11 Միաժամանակ պայմանավորվում են N1, N2, N3 հավելվածների ճշգրտման անհրաժեշտության դեպքում, նրանց վերակնքումը իրականացնել մատակարարի ստորաբաժանումների և Սպառողի կողմից:
- 8.12 Եթե կողմերից մեկը հայտնում է ցանկություն փոփոխություններ մտցնել սույն պայմանագրի 8-րդ կետում, ապա այդ մասին գրավոր տեղեկացնում է մյուս կողմին՝ նկարագրելով նշված փոփոխությունները:
- 8.13 Տվյալ տարվա դեկտեմբեր ամսվա համար գումարը Սպառողը տրամադրում է որպես կանխավճար՝ ոչ ավելի, քան տվյալ տարվա նոյեմբեր ամսվա համար փաստացի վճարված գումարի և դրա 20% չափով: Կանխավճարի մարումն իրականացվում է արձանագրությունների հիման վրա կատարվող վճարումներից նվազեցումների (պահումներ) կատարելու ձևով: Յուրաքանչյուր դեպքում նվազեցվող (կանխավճարի մարվող) գումարի չափը որոշվում է պայմանագրի ընդհանուր գնի նկատմամբ վճարվող գումարի համամասնությամբ:
- 8.14 Փոփոխությունները մտցվում են պայմանագրի մեջ լրացուցիչ համաձայնագրի ստորագրմամբ:
- 8.15 Սույն պայմանագիրը կնքված է հայերեն լեզվով:

9. Վճարի լուծումը

- 9.1. Սույն պայմանագրի առնչությամբ առաջացած վեճերը լուծվում են կողմերի միջև բանակցությունների միջոցով, իսկ կողմերից մեկի դիմելու դեպքում՝ Հանձնաժողովի միջնորդությամբ:
- 9.2. Սույն պայմանագրի 9.1. կետը չի սահմանափակում կողմերի իրավունքը՝ վեճերը լուծելու դատական կարգով:

10. Պայմանագրի գործողությունը և լուծումը

- 10.1. Սույն պայմանագիրն ուժի մեջ է մտնում կնքման պահից և գործում է անորոշ ժամկետով:
- 10.2. Սույն պայմանագրի պայմանները ՀՀ քաղաքացիական օրենսգրքի 441-րդ հոդվածի նրկրող մասին համապատասխան կիրառվում են 01.04.2016 թվականից մինչև սույն պայմանագրի կնքման պահը կողմերի միջև ծագած հարաբերությունների նկատմամբ:
- 10.3. Սույն պայմանագիրը կազմված է երկու օրինակից, մեկական՝ յուրաքանչյուր կողմի համար:
- 10.4. Հանձնաժողովի կողմից էլեկտրական էներգիայի մատակարարման (Մատակարար-մինչև 6(10) կՎ լարման ցանցերից սնվող Սպառող (բացառությամբ բնակչության)) պայմանագրի նոր օրինակների ձև հաստատելու կամ գործող օրինակների ձևում փոփոխություններ կամ լրացումներ կատարելու դեպքում կողմերը պարտավոր են Հանձնաժողովի սահմանած ժամկետում կնքել նոր պայմանագիր կամ համապատասխան փոփոխություններ կամ լրացումներ կատարել գործող պայմանագրում:
- 10.5. Սույն պայմանագիրը կարող է լուծվել Հայաստանի Հանրապետության օրենսդրությամբ սահմանված կարգով:

11. Պայմանագրի անբաժանելի մաս կազմող հավելվածների ցանկը

- 11.1. Հավելված №1 - Առևտրային հաշվաքի սարքի և առավելագույն թույլատրելի հզորության վերաբերյալ:
- 11.2. Հավելված №2 - Մատակարարի էլեկտրական ցանցի և Սաբառողի սպառման համակարգի սահմանազատման կետի և էլեկտրատեղակայանքների շահագործման պատասխանատվության սահմանազատման վերաբերյալ ակտ:
- 11.3. Հավելված №3 - Մատակարարվող էլեկտրական էներգիայի սակագների վերաբերյալ:
- 11.4. Հավելված N4 - «ՀԷՑ» ՓԲԸ բաժանորդներ ՀՀ ԿԱ պետական նկատմունքների կոմիտեի ստորաբաժանումների ցանկ
- 11.5. Հավելված N5 - Ակտ ՀՀ ԿԱ պետական նկատմունքների կոմիտեի ստորաբաժանումների հաշվետու ամսվա էլ.էներգիայի ծախսերի և պարտքերի վերաբերյալ:

Մատակարար

«Հայաստանի էլեկտրական ցանցեր» ՓԲԸ

Գտնվելու վայրը՝ ք.Երևան Արմենակյան 127


«Արդշինբանկ» ՓԲԸ

Հ/հ՝ 2474663150140570

ՀՎՀՀ՝ 023-01520882

Էլ.փոստի հասցեն՝ office@ena.am

Գլխավոր տնօրեն



Կ. Հարությունյան

Կ.Տ.

Սպառող

«ՀՀ ԿԱ պետական նկատմունքների կոմիտե»

Գտնվելու վայրը՝ ք.Երևան Մ. Խորենացի 3


ՀՀ ՖՆ գործառնական վարչություն

Հ/հ՝ 900013202016, 900011006575, 900013574018

ՀՎՀՀ՝ 02647057

Էլ.փոստի հասցեն՝

Աշխատակազմի ղեկավար



Գ. Պետրոսյան

ՑԱՆԿ


«ՏԵՑ» ՓԲԸ ԲԱԺԱՆՈՐԴՆԵՐ

ՀՀ ԿԱ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ ՍՏՈՐԱԲԱԺԱՆՈՒՄՆԵՐԻ ԿՊ0061

| N | Քարտի համարը | Բաժանորդի անվանումը | Մասնաճյուղի (էլ.ցանցի) անվանումը |
|----|--------------|---|----------------------------------|
| 1 | 998970 | ԱՄՄՁ մասնագիտացված մաքսատուն | ԽՍՍՍ (Գործարանային) |
| 2 | 230149 | Կենտրոնի Հ/Տ | ԽՍՍՍ (Գործարանային) |
| 3 | 702271 | Արարատյան ՏՄ | ԽՍՍՍ (Գործարանային) |
| 4 | 270309 | ՀՀ ԿԱ ՊԵԿ աշխատակազմ /ավտոտնտեսություն/ | ԽՍՍՍ (Գործարանային) |
| 5 | 883466 | ՀՀ ԿԱ ՊԵԿ աշխատակազմ | ԽՍՍՍ (Գործարանային) |
| 6 | 000090 | Այրումի մաքսակետ | ԽՍՍՍ (Մարզ.Գործ.) |
| 7 | 000092 | Սյունիքի ՏՄ | ԽՍՍՍ (Մարզ.Գործ.) |
| 8 | 000135 | Մեղրիի մաքսակետ | ԽՍՍՍ (Մարզ.Գործ.) |
| 9 | 820164 | Զվարթնոց մաքսատուն | ԽՍՍՍ (Մարզ.Գործ.) |
| 10 | 700901 | ՀՀ ԿԱ ՊԵԿ աշխատակազմ | «Կենտրոն» ՏՀՏ (Կենտրոն տարածք) |
| 11 | 702271 | Արարատյան ՏՄ | «Կենտրոն» ՏՀՏ (Կենտրոն տարածք) |
| 12 | 275086 | Էրեբունու ՀՏ | «Կենտրոն» ՏՀՏ (Էրեբունի տարածք) |
| 13 | 222554 | Արաբկիրի ՀՏ | «Կենտրոն» ՏՀՏ (Արաբկիր տարածք) |
| 14 | 009172 | Խոշոր հարկ վճարողների ՀՏ | «Կենտրոն» ՏՀՏ (Արաբկիր տարածք) |
| 15 | 008447 | Նոր Նորքի Հ/Տ | «Կենտրոն» ՏՀՏ (Արաբկիր տարածք) |
| 16 | 333129 | Նոր Նորքի Հ/Տ | «Կենտրոն» ՏՀՏ (Նոր Նորք տարածք) |
| 17 | 222112 | Մաշտոցի ՀՏ | «Կենտրոն» ՏՀՏ (Մաշտոց տարածք) |
| 18 | 111484 | ՀՀ ՖՆ աշխատակազմ | «Կենտրոն» ՏՀՏ (Մաշտոց տարածք) |
| 19 | 005000 | Շենգավիթի ՀՏ | «Կենտրոն» ՏՀՏ (Շենգավիթ տարածք) |
| 20 | 391386 | ԱՄՄՁ մասնագիտացված մաքսատուն | «Կենտրոն» ՏՀՏ (Շենգավիթ տարածք) |
| 21 | 391440 | ՀՀ ԿԱ ՊԵԿ աշխատակազմ | «Կենտրոն» ՏՀՏ (Շենգավիթ տարածք) |
| 22 | 000264 | Գավառի ՏՀՏ | «Գեղամա» («Գավառ» էլ.ցանց) |
| 23 | 000246 | Սևանի ՏՀՏ | «Գեղամա» («Սևան» էլ.ցանց) |
| 24 | 005169 | Սևանի ՏՀՏ | «Գեղամա» («Ճամբարակ» էլ.ցանց) |
| 25 | 000011 | Կոտայքի ՏՀՏ | «Գեղամա» («Նաիրի» էլ.ցանց) |
| 26 | 041569 | Կոտայքի ՏՀՏ | «Գեղամա» («Արովյան» էլ.ցանց) |
| 27 | 000066 | Մարտունու ՏՀՏ | «Գեղամա» («Մարտունի» էլ.ցանց) |
| 28 | 006224 | Գավառի ՏՀՏ | «Գեղամա» («Վարդենիս» էլ.ցանց) |
| 29 | 001139 | Հրազդանի ՏՀՏ | «Գեղամա» («Հրազդան» էլ.ցանց) |
| 30 | 000014 | Հրազդանի ՏՀՏ | «Գեղամա» («Չարենցավան» էլ.ցանց) |
| 31 | 000904 | Արմավիրի ՏՀՏ | «Մուսալեմ» («Արմավիր» էլ.ցանց) |
| 32 | 100015 | Աշտարակի ՏՀՏ | «Մուսալեմ» («Աշտարակ» էլ.ցանց) |
| 33 | 000042 | Աշտարակի ՏՀՏ | «Մուսալեմ» («Ապարան» էլ.ցանց) |
| 34 | 200044 | Աշտարակի ՏՀՏ | «Մուսալեմ» («Թալին» էլ.ցանց) |
| 35 | 000237 | Աշտարակի ՏՀՏ | «Մուսալեմ» («Արագած» էլ.ցանց) |
| 36 | 000290 | Էջմիածնի ՏՀՏ | «Մուսալեմ» («Էջմիածին» էլ.ցանց) |
| 37 | 120252 | Շիրակի ՏՄ | «Ղարս» («Գյումրի» էլ.ցանց) |
| 38 | 120022 | Գյումրու ՏՀՏ | «Ղարս» («Գյումրի» էլ.ցանց) |
| 39 | 250074 | Շիրակի ՏՄ | «Ղարս» («Աշոցք» էլ.ցանց) |

| | | | |
|----|--------|----------------------|---------------------------------|
| 40 | 230048 | Գյումրու S2S | «Ղարս» («Արթիկ» էլ.ցանց) |
| 41 | 220431 | Գյումրու S2S | «Ղարս» («Ախուրյան» էլ.ցանց) |
| 42 | 001784 | Արտաշատի S2S | «Արաքս» («Արարատ» էլ.ցանց) |
| 43 | 000103 | Արտաշատի S2S | «Արաքս» («Արտաշատ» էլ.ցանց) |
| 44 | 000379 | Մասիսի S2S | «Արաքս» («Մասիս» էլ.ցանց) |
| 45 | 000114 | Եղեգնաձորի S2S | «Արաքս» («Եղեգնաձոր» էլ.ցանց) |
| 46 | 002180 | Եղեգնաձորի S2S | «Արաքս» («Վայք» էլ.ցանց) |
| 47 | 002397 | Եղեգնաձորի S2S | «Արաքս» («Վայք» էլ.ցանց) |
| 48 | 002509 | Գուգարքի SU | «Դեմնդ» («Վանաձոր» էլ.ցանց) |
| 49 | 005174 | Վանաձորի S2S | «Դեմնդ» («Վանաձոր» էլ.ցանց) |
| 50 | 000215 | Պրիվոլնոյե մաքսակետ | «Դեմնդ» («Տաշիր» էլ.ցանց) |
| 51 | 000193 | Գոգավանի մաքսակետ | «Դեմնդ» («Տաշիր» էլ.ցանց) |
| 52 | 000090 | Այրուսի մաքսակետ | «Դեմնդ» («Թումանյան» էլ.ցանց) |
| 53 | 000058 | Վանաձորի S2S | «Դեմնդ» («Թումանյան» էլ.ցանց) |
| 54 | 000085 | Վանաձորի S2S | «Դեմնդ» («Տաշիր» էլ.ցանց) |
| 55 | 012850 | Իջևանի S2S | «Աղստև» («Իջևան» էլ.ցանց) |
| 56 | 000106 | Իջևանի S2S | «Աղստև» («Իլիջան» էլ.ցանց) |
| 57 | 000057 | Բազրատաշենի մաքսակետ | «Աղստև» («Նոյնմբերյան» էլ.ցանց) |
| 58 | 000055 | Իջևանի S2S | «Աղստև» («Նոյնմբերյան» էլ.ցանց) |
| 59 | 000173 | Կապանի S2S | «Տաթև» («Կապան» էլ.ցանց) |
| 60 | 000177 | Գորիսի S2S | «Տաթև» («Գորիս» էլ.ցանց) |
| 61 | 000041 | Գորիսի S2S | «Տաթև» («Միսիան» էլ.ցանց) |
| 62 | 000079 | Կապանի S2S | «Տաթև» («Մեղրի» էլ.ցանց) |


ՄԱՏԱԿԱՐԱՐ
«ԱՅԱՍՏԱՆԻ ԷԼԵԿՏՐԱԿԱՆ ՑԱՆՑԵՐ» ՓԲԸ

ԳԼԽԱՎՈՐ ՏՆՕՐԵՆ
 Գ. ԿԱՐՈՒԹՅՈՒՆՅԱՆ

« _____ » 2016թ.

Կ.Տ.

ՍՊԱՌՈՂ
ՀՀ ԿԱ ՊԵՏ ԵԿԱՄՈՒՏՆԵՐԻ ԿՈՄԻՏԵ

ԱՇԽԱՏԱԿԱՆ ՂԵԿԱՎԱՐ
 Գ. ԳԵՏՐՈՍՅԱՆ

